

Verweern

TUBBERGEN

De heer Gerard Droste bracht de dichtbundel 'Verweern' uit. De dichtbundels van Droste zijn geheel in het Twents geschreven. In

onderstaande tekst in Droste aan het woord over zijn laatste werk.



Ie hebt a meer dichtbundels schrevn?

Joa, dit is nummer drie. Het is ok n lestn. Met 82 joar is t moal tied um heaniger-an te doon.

Wat vunne taal broek ie?
Maanders, Geesters. Die taal he'k van jongs of an metkregn.

De titel is Verweern, wat bedoel ie doarmet?

A'j oald zint begin ie te slietn. Dat zint ok in dat woord mer ie könt der ok aans tegn-an kiekn. Hoe oald a'j ok zint, teweer steln, der wat van

maakn.

Als verandert. Zint d'r nog leu die zo proat?

Nog wa, ie möt ze zeukn in de strek vanof Langven en langs de greans, Geester, Maander, Vas dan vedan noar Glane en in en roond Tubbig, Weersel en Soasel.

De gedichtn zint mooi ofdruckt he'j dat zölf bedacht? He'j t alleen doan?

De gedichtn zint van miezölf. Mer vuur de vewearking doarvan, zoo dat het nen mooie oetgave wördn, he'k advies had van Goaitsen van

der Vliet met zienne oetgeverie De Oare útjouwerij. Geregeld hem met mekaa kuierd um hier en doar wat regels bije te schaavn. Doar bin'k heel good over te sprekn.

Woarum he'j dit schrevn? En smit nog wat op?

Het gevuul vuur dizze taal is te mooi um doar niks met te doon. t Smit niks op, echte levebriej. Ik mot doar geld op toolegn.

Woar geet et over?

De gedichtn zint op nen bepoalde manier verböndn. Wierum kiekn

mer ok vuuroet met bie wat gedichtn nen depere gedachte, woar'j over an t prakkezeern könt komn. Um oe hen nen glimlach gewaar wördn en ennige ofstaand nemn van de drökte in de weerld.

Bi'j van plan um nog meer te schrievn?
Nee, dat nig meer. Der is nen tied van komn en en ne tied van goan.

Woar kö'j ze koopn?

De secretaresse in Tubbig schuun, tegnoaver t Oale Roadhoes, hef nen vuuroad anlegt. A'j doar hen goat kom ie terecht in een van de meustn snuffelweenkels oet heeln umtrek van Tubbig. Doar kö'j van als koopn op het gebied van beuk, schriefgrei en nog völ meer. Kö'j wat nig zo gauw veendn dan stoat de gemeudelijke verkoopsters kloar um te helpn zeukn.

Moch t oe wat liekn, wocht nig te lang aans denk ik da'j te laat komt. We hebt nen schatting an de leage kaant maakt (hoge drukkostn) van wat neurig is. Ie könt n bundel ok koopn bie n bookhandel. ISBN 9789071610752. Um de pries hoof ie t nig te loatn. Ze kost 15 euro.

Om het Twents begrijpelijker te maken kan het nuttig zijn de gedichten eerst hardop te lezen. Dan de tekst laten bezinken en opnieuw lezen. Voor de laatste gevallen is aan de bundel een verklarende woordenlijst toegevoegd.